

Broj: 01-04-13-00232/2023
Sarajevo, 19.01.2023.godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
ZASTUPNIČKI DOM

n/a- Tajnik Ivan Miličević
veza vaš akt br. 05/1-02-3/23 od 11.01.2023.godine

n/p- zastupnik Amir Purić

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BiH
SEKRETARIJAT VLADE
n/p- sekretarka- mr.sci. Edita Kalajdžić

PREDMET: Odgovor na zastupničku inicijativu, dostavlja se

Poštovani,

Federalna uprava za inspekcijske poslove zaprimila je dana 11.01.2023.godine akt gornji broj koji je zastupnička inicijativa, koju je zastupnik Parlamenta Federacije BiH, Zastupničkog doma podnio na sjednici održanoj 11.01.2023. godine.

Uvaženi zastupnik se konkretnom inicijativom obratio Federalnoj upravi za inspekcijske poslove sa zahtjevom da nadležna inspekcija hitno obavi inspekcijski nadzor asfaltne baze „Hodurnik“ d.o.o. Cazin, na lokalitetu poslovnog kompleksa „Hajrat“, u naselju Donja Slapica, općina Velika Kladuša.

U obrazloženju svoje inicijative, uvaženi zastupnik ističe da mještani naselja Donja Slapica, u neposrednoj blizini asfaltne baze betonare „Hodurnik“ d.o.o. Cazin, na lokalitetu poslovnog kompleksa „Hajrat“, godinama se žale na rad operatera „Hodurnik“ d.o.o. Cazin, odnosno moguće kršenje propisa iz oblasti zaštite okoliša. Sitne čestice i prašina nastaju u procesu proizvodnje betona/asfalta brzo se šire zračnim putem i predstavljaju potencijalnu opasnost za zdravlje ljudi i životinja. Zbog toga, zastupnik traži da se što hitnije obavi inspekcijski nadzor ovog operatera i da se dokaže da li isti posjeduje ili ne, važeću okolinsku dozvolu izdatu od nadležnog organa.

BOSNA I HERCEGOVINA
Federacija Bosne i Hercegovine
PARLAMENT FEDERACIJE
SARAJEVO

Primijeno: 23-01-2023			
Org. jed.	Broj	Priloga	Vrijednost
05/1	-02-	3	123

Za pripremu odgovora konsultovan je Federalni urbanističko-ekološki inspektorat.

Kod operatera „Hodurnik“ d.o.o. Cazin je u 2021. godini izvršeno pet inspekcijskih nadzora, te 2022.godine četiri inspekcijska nadzora kada je kontrolirano provođenje zakona i provedbenih propisa u oblasti zaštite okoliša.

Operater **posjeduje okolinsku dozvolu** pribavljenu od strane Federalnog ministarstva okoliša i turizma br. UPI-05/2-23-11-121/18 od 10.12.2018.godine za postojeći pogon kamenolom, separacija i asfaltna baza u naselju Donja Slapnica, općina Velika Kladuša.

U inspekcijskim nadzorima su predloženi izvještaji o monitoringu prema sistemu monitoringa iz okolinske dozvole, a u zaključcima ovih izvještaja se navodi sljedeće:

- na osnovu izmjerenih vrijednosti i dobijenih rezultata nakon preračunavanja može se zaključiti da emisija dimnih plinova i čvrstih čestica na ovom stacionarnom izvoru (asfaltna baza), zadovoljava važeće zakonske norme;
- na osnovu izmjerenih vrijednosti i dobijenih rezultata nakon preračunavanja može se zaključiti da izmjerene vrijednosti parametara kvaliteta zraka (čvrste čestice-prašina) zadovoljavaju važeće zakonske norme;
- rezultati mjerenja nivoa okolinske buke zadovoljavaju propisane vrijednosti iz Zakona.

Ovom operateru su zbog neusklađenosti utvrđenih u inspekcijskim nadzorima nalagane upravne mjere među kojima, kao bitnije u smislu usklađivanja sa propisima iz zaštite okoliša izdvajamo mjere kojima je naloženo da:

- Mjerno mjesto na postrojenju asfaltne baze uskladi sa zahtjevima propisanim standardom BAS EN 15259, te izvrši novo mjerenje na usklađenom mjernom mjestu;
- Izvrši pregled i ispitivanje postrojenja i sredstava rada;
- Zatvori presipna mjesta na liniji separacije, te na taj način dodatno umani emisije buke i prašine;
- Instalira sistem vanjskih hidroinstalacija-snabdijevanja, prikupljanja, prečišćavanja i konačne dispozicije otpadnih voda proizvodnog kompleksa;
- Obezbijedi i adekvatno obilježi skladište opasnog otpada (iskorišteno ulje i filteri), te spremnike ovih materijala obilježi i uskladišti na okolinski prihvatljiv način;
- Izvrši uklanjanje spremnika bitumena i loživog ulja sa platoa asfaltne baze i betonare, te iste adekvatno uskladišti i obilježi u prostoru obezbijedenom od potencijalnog isticanja sadržaja iz njih.

U kontrolnim inspekcijskim nadzorima je kontroliran nivo izvršenja naloženim upravnim mjerama

Za mjere koje nisu izvršene ili su izvršene djelimično, operaterer je sankcionisan novčanom kaznom, izdavanjem prekršajnog naloga.

Isti je, dalje, u skladu sa Zakonom, u obavezi postupajućeg federalnog inspektora izvještavati o nivou realizacije neizvršenih mjera.

Zadnja obavijest je evidentirana 12.01.2023. godine kada je inspektor obavješten o nabavci i početku radova na ugradnji dva separatora za obradu otpadnih voda.

Sve neizvršene upravne mjere su predmet budućih kontrolnih nadzora.

S poštovanjem,

Dostavljeno:

1 x Tajnik Ivan Miličević

1 x Zastupnik Amir Purić

1 x Generalna sekretarka Vlade FBiH – mr.sci. Edita Kalajdžić

1 x a/a



DIREKTOR

M.P.

Mr. Anis Ajdinović